



Sandstone Estates naby Ficksburg vanuit die lug.

Foto: WWW.STARSOFSANDSTONE.COM/PIERRE JORDAN

# Kry 'n ander blik op O-Vrystaatse prag

Sandstone Estates: Kom ry in 'n stoomtrein, Samil 20 of op 'n ossewa

Hoewel die volgende Stars of Sandstone, 'n internasionaal erkende erfenis- en stoomfees, eers weer volgende jaar gehou word, is Sandstone Estates naby Ficksburg die hele jaar oop vir besoekers.

Boonop is daar in die nabye toekoms twee spesiale stoomgeleenthede – die eerste is vir die Erfenisdag-langaweek op Saterdag 22 September en die tweede is op 16 en 17 November tydens die jaarlikse Kersiefees in Ficksburg.

Op hierdie spesiale stoomnaweke kan besoekers tussen twee opsies kies. Die Mountain Wanderer strek oor die volle 26 km-spoorlyn en begin en eindig by die Hoekfontein-stasie op die landgoed. Die Lesotho Meander begin ook by Hoekfontein, ry in die rigting van Grootdraai teen die Lesotho-grens en draai dan terug.

Besoekers kan op stoomtreinritte op die landgoed se 26 km lange stoomtreinspoor gaan terwyl hulle die tipies Oos-Vrystaatse natuur op dié produksieplaas geniet. Pragtige uitsigte op die Malutiberge, volop voëllewe en selfs troppe springbokke en blesbokke verryk die stoomtreinervaring.

Op Sandstone Estates is egter veel meer om te doen as net stoomtreinritte. 'n Staptouer van sowat twee uur neem besoekers na die internasionaal gerekende erfenis- en militêre uitstallings. Die staptouer neem die besoeker na die trekkerversameling, spoor-



Die NGG13 49 vroegoggend op Sandstone Estates in die Oos-Vrystaat.

Foto: WWW.STARSOFSANDSTONE.COM/DAVE RICHARDSON

werkwinkels, straatlokomotiewe, busse, motors, militêre voertuie en veel meer.

As jy nie lus is om te stap nie, verken die plaas op 'n trekker en wa. Onderneem 'n stadige rit op 'n ossewa getrek deur 'n span afrikanerosse, of ry in 'n militêre voertuig soos 'n Samil 20, 'n Willys Jeep Casspir of selfs 'n Sherman-tank. As 'n groep groot genoeg is, kan 'n militêre konvooi deur die platteland saamgestel word.

Seb's Railway, 'n spesiale spoor van 2,4 km lank, is uitsluitlik vir die jongspan aangelê. Hiervoor word die vloot kleiner lokomotiewe gebruik.

## Kortliks

- Sandstone het die grootste versameling 2-voet-spoorwydelokomotiewe in die wêreld. Hier is meer as 50 lokomotiewe waarvan meer as 30 in werking is. Die Sandstone-vloot het ook meer as 300 spoorwaens.
- 'n Versameling van meer 500 plaaswerktoeie kan op die plaas gesien word.
- Die landgoed se versameling sluit vragmotors, busse, ou motors en motofietse in. Die versameling Ford-motors alleen strek oor 100 jaar.
- 'n Nuwe museum vir statiese enjins is onlangs geopen.

Op die plaas is ook 'n winkel waar aandenkings gekoop kan word, en besoekers kan ook hier in tente of woonwaens kom kampeer. Hier is ook 'n kafeteria wat

etes soos spitbraaie, potjiekos en braaivleis voorsit.

■ Stars of Sandstone word volgende jaar van 4 tot 14 April hier aangebied.



Lorchen Bremer van Hennenman se spogtuin is ook een van die tuine wat besoek kan word.

Foto's: VERSKAF



Tuinliefhebbers kan ook die tuin van Hettie en Billy Burls van Welkom besoek.

# Goudveld-tuiniers nooi almal uit

## Molly Green

Van lowergroen blomryke tuine met interessante fokuspunte tot kombuistuine sal vanjaar te siene wees op die jaarlikse skoutuingeleentheid, wanneer tuine oor die Goudveld heen vir belangstellendes oopgestel word.

Die skoutuinprojek word op Saterdag 27 Oktober aangebied en belooft om 'n hoogtepunt op

die jaarlikse kalender van die Goudveld te wees. Belangstellendes sal tussen 08:00 en 16:00 gratis na die tuine kan gaan kyk.

Ingrid van der Walt, een van die organiseerders, sê die skoutuingeleentheid in 2017 was so 'n groot sukses dat besluit is om dit weer aan te bied. Wye belangstelling heers onder geesdriftige tuiniers.

Tuine in Hennenman, Welkom en omliggende gebiede sal vir die publiek oopgestel word.

“Besoekers kan individualiteit van elke tuin verwag. En glo my, die Goudveld spog met indrukwekkende tuine,” sê Ingrid.

Die deelnemende tuine wissel van nuut gevestigde tuine tot gevestigde tuine. Daar sal ook inspirerende kombuistuine wees asook sjarmante tuine met treffende fokuspunte.

Die tuin van Elize en John Donovan sal weer oop wees. 'n Kunsuitstalling sal deel daarvan wees

asook 'n koekverkoop ten bate van die Dierebeskermingsvereniging.

Meer besonderhede oor al die tuine sal binnekort beskikbaar wees.

“Ons hoop om vanjaar weer baie tuinliefhebbers en buiteliggeesdriftiges te verwelkom vir vars lug en tuinspirasie, sê Ingrid.

Bel Ester van der Walt by 057 392 1940.

# Ter ere van 'n strydros



Schalk Erasmus by die graf van sy oupagrootjie op die plaas Luipardspoort, op die grens van Jagersfontein en Petrusburg.

Die lewe en voorbeeld van sy oupagrootjie Johannes Jacobus Erasmus (Lang Hans of Wit Hans, soos hy bekend gestaan het), was vir Schalk Erasmus van Kroonstad só 'n inspirasie dat hy besluit het om die oorgroeide graf van dié oupa Hans in ere te herstel. Die graf is in 'n familiekerkhof op die plaas Luipardspoort, op die grens van Jagersfontein en Petrusburg.

Ná Slagtersnek het oupa Hans se pa, 'n veldkornet, uit Graaff-Reinet getrek om saam met Piet Retief verder te trek. Oupa Hans was ses jaar oud tydens die Slag van Bloedrivier.

Omstreeks 1845 het hy hom op die plaas Armoedsfontein (dis-

trik Jagersfontein) en later op die plaas Luipardspoort gevestig.

Hans Erasmus was kommandant in die Eerste Vryheidsoorlog (1888) en was ook betrokke by die Jameson-inval by Rooihuiskraal. Hy was veldkornet en vrederegter in die Middenveld (van Fauresmith, Jagersfontein, Edenburg tot by Bloemfontein).

Hy is in Mei 1896 ná 'n skietoefening op die plaas De Put oorlede. Hans het 'n hartaanval gehad en van sy perd af geval.

Die grafsteen is as monument opgerig ter ere van Johannes Jacobus Erasmus deur sir Laurens van der Post se vader, Christiaan Willem Hendrik van der Post.

## ONVERGEETLIKE REISE

Beleef die betowering van 'n stoomtreinrit by ons Spesiale Stoom Byeenkomste

Ingangsfooi na Sandstone Estates  
R200 per persoon, R125 per kind (onder 12 jaar)  
\*Sluit 'n treinrit gedurende Stoom Naweke in \*  
DIT IS NOODSAAKLIK OM JOU RIT TE BESPREEK




Foto deur David Benn

### NABY FICKSBURG • OOS-VRystaat

Onderneem 'n skilderagtige stoomtreinrit op die wêreldbekende Sandstone Steam Railway, waar jy omring word deur indrukwekkende sandsteenkliprivië en 'n uitsig het oor die asemrowende Malutiberge. Sekere tye van die jaar is daar velde en velde kosmos en baie voëls en jy mag dalk selfs ons troppe springbokke en blesbokke te siene kry.

Om op ons privaat 2-voet-Smal Spoorweg te reis is 'n onvergeetlike ervaring.

**STOOM NAWEKE 2018 (09:00 tot 17:00)**

Erfenisdag Saterdag 22 September 2018

Langaweek

Kersiefees Vrydag en Saterdag: 16 en 17 November 2018

4-14 April 2019 ~ International Heritage and Steam Festival  
Beleef alles wat Sandstone het om te bied - stoomtreine, outydse motors en vliegtuie en so baie ander dinge om te sien!  
Kyk op ons webwerf  
www.starsofsandstone.com

Naby Ficksburg: Oos-Vrystaat  
SUID-AFRIKA  
Vlieg na S28 50° 36' E028 00° 18"



INTERNATIONAL  
*Stars of Sandstone 2019*

## The Sandstone Railway

Die Stoom Naweke-roete dek 'n gedeelte van die hele Sandstone Steam Railway, van Hoekfontein-stasie suidwaarts na Grootdraai, dan noordwaarts na Vailima-syspoor en terug. Duur: Ongeveer 60 minute.

Vertrek:  
10:00, 12:00  
14:00 en  
16:00 tydens  
Stoomnaweke



DIT IS NOODSAAKLIK OM JOU RIT TE BESPREEK

DAAR IS BAIE MEER TE DOEN EN TE SIEN TERWYL JY HIER IS



Doen 'n 2-uur-staptouer van ons wêreldbekende erfenis- en militêre versameling, ry op 'n ossewa of militêre voertuig en geniet dalk middagete by die Waenhuis Café.



### PRYSE OP AANVRAAG

Sandstone behou die reg om pryse en roosters te verander sonder kennisgewing.



www.sandstone-estates.com

ONS SIEN UIT OM U TE VERWELKOM!

Skakel Alina  
by +27(0)51 933 2235  
alinah@sandstone.co.za  
of Leigh by  
+27(0)79 327 7649  
leighs@sandstone.co.za